

偈頌共 24 首，總分四大段：

一、第 1 偈：

世尊我一心，歸命盡十方，無礙光如來，願生安樂國。

二、第 2 偈：

我依修多羅，真實功德相，說願偈總持，與佛教相應。

為什麼願生彌陀淨土：是依據《淨土三經》了知
彼佛及其淨土是真實功德之相，隨順釋尊之言教而願生。

真實功德相。有二種功德：

一者、從有漏心生。
不順法性。所謂凡夫人天諸善。人天果報。
若因若果。皆是顛倒。皆是虛偽。是故名不實功德。

二者、從菩薩智慧清淨業起莊嚴佛事。
依法性入清淨相。是法不顛倒。不虛偽。名為真實功德。
云何不顛倒？
依法性。順二諦故。
云何不虛偽？
攝衆生入畢竟淨故。

說願偈總持。與佛教相應者。

持，名不散不失。
偈，言五言句數。
說，謂說諸偈論。

總，名以少攝多。
願，名欲樂往生。
相應者，函蓋相稱也。

三、第 3～23 偈。

分三方面：

A 先觀察淨土之德有 17 種，欣慕其為第一義諦、妙境界相而願生。

B 再其次觀察彼佛 8 種功德，了知彼佛不可思議本願力，願生、稱名者、皆得往生、速疾成佛，因而一心歸命彼佛。

C 最後觀察菩薩 4 種功德

國土為往生之處所

佛為往生之強緣

菩薩為往生之示範

觀此【21 偈頌】三種真實功德【29 莊嚴】之相，能生清淨願往生心。

四、第 24 偈：

我作論說偈，願見彌陀佛，普共諸眾生，往生安樂國。

觀彼世界相。 勝過三界道。

一者觀察器世間莊嚴成就。【清淨總相】

二觀察衆生世間莊嚴成就。【復分十七】

此二句，佛本所以起此莊嚴清淨功德者。

見三界是虛偽相。是輪轉相。是無窮相。衆生締此三界。顛倒不淨。
佛欲置衆生於不虛偽處。於不輪轉處。於不無窮處。得畢竟安樂大清淨處。
是故起此清淨莊嚴功德也。

成就者。言此清淨不可破壞。不可汙染。

觀者。觀察也。

彼者。彼安樂國也。

世界相者。彼安樂世界清淨相也

【其相別在下】。

勝過三界道～道者。通也。以如此因。得如此果。
以如此果。酬如此因。通因至果。通果酬因。故名為道。

究竟如虛空。 廣大無邊際。

此二句，佛本所以起此莊嚴量功德者。

見三界狹小。墮陁陪陁。宮觀迫迮。土田逼隘。志求路促。山河隔障。國界分部..... 有
如此等種種拘局事。是故菩薩興此莊嚴量功德願。願我國土如虛空廣大無際。

如虛空者。言來生者雖衆。猶若無也。

廣大無際者。成上如虛空義。 何故如虛空？以廣大無際故。

成就者。言十方衆生往生者。若已生。若今生。若當生。

雖無量無邊。畢竟常如虛空。廣大無際。終無滿時。是故言究竟如虛空。

正道大慈悲。 出世善根生。

此二句，佛本何故起此莊嚴性。

見有國土。以愛欲故。則有欲界。

以攀厭禪定故。則有色、無色界。此三界皆是有漏邪道所生。

是故興大悲心。願我成佛。以無上正見道。起清淨土。出於三界。性是本義：
言此淨土。隨順法性。不乖法本。

如來性起義。又言積習成性。亦是聖種性。

緣起：法藏菩薩於世自在王佛所。悟無生法忍。爾時位名聖種性。

於是性中。發四十八大願、起修此土。名曰安樂淨土。

是彼因所得。果中說因。故名為性。

又言性是必然義。不改義。

如海性一味。衆流入者必為一味。海味不隨彼改也。

又如人身性不淨故。種種妙好色香美味。入身皆為不淨。

安樂淨土諸往生者。無不淨色。無不淨心。畢竟皆得清淨平等無為法身。

以安樂國土清淨「性」成就故。

正因：正道大慈悲 出世善根生

名為正道者～平等是諸法體相。以諸法平等。故發心等。

發心等。故道等。道等。故大慈悲等。

大慈悲才是佛道。故言正道大慈悲。

慈悲有三緣。

一者 衆生緣。是小悲。 生忍

二者 法緣。是中悲。 法忍

三者 無緣。是大悲。 無生法忍

大悲即出世善也。安樂淨土。從此大悲生故。

故謂此大悲為淨土之根。故曰出世善根生。

無量壽修多羅優婆提舍願生偈（長行）

論曰：此願偈明何義？

示現觀彼安樂世界，見阿彌陀如來，願生彼國故。

云何觀？云何生信心？

若善男子、善女人，修五念門行成就，畢竟得生安樂國土，見彼阿彌陀佛。

何等五念門？一者禮拜門，二者讚歎門，三者作願門，四者觀察門，五者回向門。

云何禮拜？身業禮拜阿彌陀如來、應、正遍知。為生彼國意故。

云何讚歎？口業讚歎。稱彼如來名，如彼如來光明智相，如彼名義，欲如實修行相應故。

云何作願？心常作願。一心專念，畢竟往生安樂國土，欲如實修行奢摩他故。

云何觀察？智慧觀察。正念觀彼，欲如實修行毗婆舍那故。彼觀察有三種。

何等三種？

一者觀察彼佛國土，莊嚴功德，

二者觀察阿彌陀佛，莊嚴功德，

三者觀察彼諸菩薩，莊嚴功德。

云何回向？不捨一切苦惱眾生，心常作願回向為首，得成就大悲心故。

云何觀察，彼佛國土，莊嚴功德？

彼佛國土莊嚴功德者：成就不可思議力故，如彼摩尼如意寶性，相似相對法故。

觀察彼佛，國土莊嚴，功德成就者，有十七種，應知！何等十七？

一者莊嚴「清淨」功德成就，二者莊嚴「量」功德成就，三者莊嚴「性」功德成就，
四者莊嚴「形相」功德成就，五者莊嚴「種種事」功德成就，六者莊嚴「妙色」功德成就，
七者莊嚴「觸」功德成就，**八者莊嚴「三種」功德成就**，九者莊嚴「雨」功德成就，
十者莊嚴「光明」功德成就，十一者莊嚴「妙聲」功德成就，十二者莊嚴「主」功德成就，
十三者莊嚴「眷屬」功德成就，十四者莊嚴「受用」功德成就，十五者莊嚴「無諸難」功德成就，
十六者莊嚴「大義門」功德成就，十七者莊嚴「一切所求滿足」功德成就。

1 莊嚴「清淨」功德成就者，偈言「觀彼世界相，勝過三界道」故。

2 莊嚴「量」功德成就者，偈言「究竟如虛空，廣大無邊際」故。

3 莊嚴「性」功德成就者，偈言「正道大慈悲，出世善根生」故。

4 莊嚴「形相」功德成就者，偈言「淨光明滿足，如鏡日月輪」故。

5 莊嚴「種種事」功德成就者，偈言「備諸珍寶性，具足妙莊嚴」故。

6 莊嚴「妙色」功德成就者，偈言「無垢光焰熾，明淨曜世間」故。

7 莊嚴「觸」功德成就者，偈言「寶性功德草，柔軟左右旋，觸者生勝樂，過迦旃鄰陀」故。

8 莊嚴「三種」功德成就者，有三種事，應知。何等三種？

一者水，二者地，三者虛空。

莊嚴「水」功德成就者，偈言「寶華千萬種，彌覆池流泉，微風動華葉，交錯光亂轉」故。

莊嚴「地」功德成就者，偈言「宮殿諸樓閣，觀十方無礙，雜樹異光色，寶欄遍圍繞」故。

莊嚴「虛空」功德成就者，偈言「無量寶交絡，羅網遍虛空，種種鈴發響，宣吐妙法音」故。

9 莊嚴「雨」功德成就者，偈言「雨華衣莊嚴，無量香普熏」故。

10 莊嚴「光明」功德成就者，偈言「佛慧明淨日，除世癡闇冥」故。

11 莊嚴「妙聲」功德成就者，偈言「梵聲悟深遠，微妙聞十方」故。

12 莊嚴「主」功德成就者，偈言「正覺阿彌陀，法王善住持」故。

13 莊嚴「眷屬」功德成就者，偈言「如來淨華眾，正覺華化生」故。

14 莊嚴「受用」功德成就者，偈言「愛樂佛法味，禪三昧為食」故。

15 莊嚴「無諸難」功德成就者，偈言「永離身心惱，受樂常無間」故。

16 莊嚴「大義門」功德成就者，偈言

「大乘善根界，等無譏嫌名，女人及根缺，二乘種不生」故。淨土果報，離二種譏嫌過，應知！

一者體，二者名。體有三種：一者二乘人，二者女人，三者諸根不具人。無此三過故，名離體譏嫌。

名亦三種。非但無三體，乃至不聞二乘、女人、諸根不具三種名故，名離名譏嫌。「等」者，平等一相故。

17 莊嚴「一切所求滿足」功德成就者，偈言「眾生所願樂，一切能滿足」故。

略說彼阿彌陀佛國土，十七種莊嚴功德成就；

示現如來自身利益大功德力成就，利益他功德成就故。
彼無量壽佛國土莊嚴，第一義諦妙境界相；十六句，及一句，次第說，應知！
云何觀佛莊嚴功德成就？

觀佛莊嚴功德成就者，有八種相，應知。何等八種？

一者、莊嚴「座」功德成就，	二者、莊嚴「身業」功德成就，
三者、莊嚴「口業」功德成就，	四者、莊嚴「心業」功德成就，
五者、莊嚴「大眾」功德成就，	六者、莊嚴「上首」功德成就，
七者、莊嚴「主」功德成就，	八者、莊嚴「不虛作住持」功德成就。

何者莊嚴「座」功德成就：偈言「無量大寶王，微妙淨華台」故。

何者莊嚴「身業」功德成就：偈言「相好光一尋，色像超群生」故。

何者莊嚴「口業」功德成就：偈言「如來微妙聲，梵響聞十方」故。

何者莊嚴「心業」功德成就：偈言「同地水火風，虛空無分別」故。「無分別」者，無分別心故。

何者莊嚴「大眾」功德成就：偈言「天人不動眾，清淨智海生」故。

何者莊嚴「上首」功德成就：偈言「如須彌山王，勝妙無過者」故。

何者莊嚴「主」功德成就：偈言「天人丈夫眾，恭敬繞瞻仰」故。

何者莊嚴「不虛作住持」功德成就：偈言

「觀佛本願力，遇無空過者，能令速滿足，功德大寶海」故。即見彼佛，未證淨心菩薩，畢竟得證平等法身。與淨心菩薩，與上地諸菩薩，畢竟同得寂滅平等故。

略說八句，示現如來自利利他功德莊嚴次第成就，應知！

云何觀察，菩薩莊嚴，功德成就？

觀察菩薩莊嚴功德成就者：觀彼菩薩，有四種正修行，功德成就，應知！何者為四？

一者、于一佛土，身不動搖，而遍十方，種種應化，如實修行，常作佛事。

偈言「安樂國清淨，常轉無垢輪，化佛菩薩日，如須彌住持」故。開諸眾生 淤泥華故。

二者、彼應化身，一切時，不前不後，一心一念，放大光明：

悉能遍至十方 世界，教化眾生；種種方便，修行所作，滅除一切眾生苦故。

偈言「無垢莊嚴光，一念及一時，普照諸佛會，利益諸群生」故。

三者、彼于一切世界，無餘照諸佛會大眾，無餘廣大無量供養、

恭敬、讚歎諸佛如來功德。偈言「雨天樂華衣，妙香等供養，贊諸佛功德，無有分別心」 故。

四者、彼于十方一切世界，無三寶處，住持莊嚴佛法僧寶功德大海，

遍示令解如實修行。偈言「何等世界無，佛法功德寶，我願皆往生，示佛法如佛」 故。

又向說觀察莊嚴「佛土」功德成就、莊嚴「佛」功德成就、莊嚴「菩薩」功 德成就。

此三種成就，**願心莊嚴，應知！**

略說入一法句故！一法句者，謂清淨句。

清淨句者，謂真實智慧、無為法身故。

此清淨有二種，應知！何等二種？一者、器世間清淨，二者、眾生世間清淨。

器世間清淨者，如向說十七種，莊嚴佛土，功德成就，是名器世間清淨。

眾生世間清淨者，如向說八種，莊嚴佛功德成就：

四種莊嚴菩薩，功德成就，是名眾生世間清淨。

如是一法句，攝二種清淨義，應知。

如是菩薩，奢摩他、毗婆舍，那廣略修行，成就柔軟心。

如實知廣略諸法，如是成就，巧方便回向。何者菩薩，巧方便回向？

菩薩巧方便回向者：謂說禮拜等，五種修行；所集一切，功德善根；

不求自身，住持之樂；欲拔一切，眾生苦故；

作願攝取，一切眾生，共同生彼，安樂佛國！

是名菩薩，巧方便回向成就。

菩薩如是，善知回向成就；即能遠離，三種菩提門相違法。何等三種？

一者、依智慧門，不求自樂；遠離我心，貪著自身故。

二者、依慈悲門，拔一切眾生苦，遠離無安，眾生心故。

三者、依方便門，憐湣一切眾生心，遠離供養恭敬自身心故。

是名遠離三種菩提門相違法。

菩薩遠離，如是三種，菩提門相違法；
得三種隨順，菩提門法滿足故。何等三種？
一者、無染清淨心，以不為自身，求諸樂故。
二者、安清淨心，以拔一切眾生苦故。
三者、樂清淨心，以令一切眾生得大菩提故，以攝取眾生生彼國土故。
是名三種隨順菩提門法滿足，應知！

向說智慧、慈悲、方便三種門，
攝取般若；般若攝取方便，應知！

向說遠離我心不貪著自身、
遠離無安眾生心、遠離供養恭敬自身心。
此三種 法，遠離障菩提心，應知。

向說無染清淨心、安清淨心、樂清淨心。
此三種心，略一處，成就妙樂勝真 心，應知！

如是菩薩智慧心、方便心、無障心、勝真心，能生清淨佛國土，應知！
是名菩薩摩訶薩隨順五種法門，所作隨意自在成就。

如向所說身業、口業、 意業、智業、方便智業，隨順法門故。

復有五種門，漸次成就五種功德，應知！何者五門？

一者、近門，二者、大會眾門，
三者、宅門，四者、屋門，五者、園林遊戲地門。

此五種門，初四種門，成就入功德；第五門，成就出功德。

入第一門者：以禮拜阿彌陀佛，為生彼國故，得生安樂世界。是名入第一門。

入第二門者：以讚歎阿彌陀佛，隨順名義稱如來名，依如來光明智相修行故，得入大會眾數。是名入第二門。

入第三門者：以一心專念作願生彼，修奢摩他寂靜三昧行故，得入蓮華藏世界。是名入第三門。

入第四門者：以專念觀察彼妙莊嚴，修毗婆舍那故，得到彼處，受用種種法味樂。是名入第四門。

出第五門者：以大慈悲，觀察一切苦惱眾生，示應化身，回入生死園煩惱林中，遊戲神通，
至教化地，以本願力回向故。是名出第五門！

菩薩入四種門，自利行成就，應知！

菩薩出第五門，回向利益他行成就，應知！

菩薩如是修五門行，自利利他，
速得成就阿耨多羅三藐三菩提故。